

## Zajedno protiv organizovanog kriminala

25.02.2010

Podgorica - Dan - Lideri tri opozicione stranke Socijalističke narodne partije, Nove srpske demokratije i Pokreta za promjene Srđan Milić, Andrija Mandić i Nebojša Medojević najvjerovatnije će sledeće nedjelje potpisati sporazum zajedničkom nastupu na lokalnim izborima u 14 općina. To je epilog jučerašnjeg sastanka trojice lidera, a, prema saznanjima "Dana", konačnu odluku o načinu izlaska na izbore donijeće partijska rukovodstva tokom vikenda. Zajednička borba protiv organizovanog kriminala biće jedan je od ključnih ciljeva tri opozicione stranke koje će u antirežimski front najvjerovnije pozvati i vanparlamentarne partije kao i intelektualce i nestranačke ličnosti koje su spremne za stvaranje demokratskog i pravednog društva.

Predsjednici tri opozicione partije su juče u zgradi Skupštine imali drugi po redu sastanak u nastojanjima da usaglase stavove o pravcima budućeg koordiniranog djelovanja. U pripremi je, kako "Dan" saznaje i tekst dokumenta koji se odnosi na zajedničko djelovanje SNP-a, Nove i PzP-a na lokalnim izborima, ali i u odnosu prema vlasti, organizovanom kriminalu, komunikaciji sa međunarodnim faktorima....

Prema našim saznanjima, lideri tri opozicione stranke postigli su po ovim pitanjima visok stepen saglasnosti. Zadovoljni su napretkom u približavanju stavova postignutim nakon dva sastanka. Preduslov za konačni dogovor su stavovi općinskih odbora i najviših stranačkih organa SNP-a, Nove i PzP-a.

Milić je nakon sastanka za "Dan" kazao da je nastavljena priča sa prethodnog susreta trojice opozicionih lidera.- Dogovorili smo se da koordiniramo sve aktivnosti i nastavimo saradnju kako bismo preduprijedili sve moguće nesporazume u budućnosti i fokusirali se na ono što je potrebno, a to je kvalitetan i usaglašen odgovor u odnosu na pitanja u kojima se slađemo - kazao je on.

U SNP-u, Novoj i PzP-u narednih dana će uslijediti unutarstranačke konsultacije i upoznavanje općinskih odbora stranaka sa rezultatima razgovora trojice predsjednika. Ovo pitanje biće glavna tema na sjednici GO SNP-a, koja treba da se održi u nedjelju. Stav Nove srpske demokratije i Pokreta za promjene je da opozicija treba da jedinstveno nastupi na lokalnim izborima u svih 14 crnogorskih općina.

U SNP-u je dogovoreno da njihovi općinski odbori obave razgovore sa svim opozicionim partijama koje imaju odbornike u lokalnim parlamentima. Tako je u Bijelom Polju već dogovorena široka koalicija koja, kako je ranije saopćeno, treba da bude zamajac sveobuhvatnim promjenama u Crnoj Gori.

Među potpisnicima su se, pored opozicionih partija, našle i Bošnjačka stranka, koja je na državnom nivou koalicioni partner DPS-a i Liberalna partija, dio lokalne vlasti u Kotoru. Milić je i ranije u Podgorici o nastupu na lokalnim izborima razgovarao sa predsjednicima i predstavnicima dijela opozicionih stranaka.

V.R.